

心的選擇

真濟代誌 無法度避免
會堪得承受的 就是美夢
袂堪得接受的 正是惡夢
往往

予人停止前進的 毋是「絕望」 是「放棄」
予人繼續前進的 毋是「希望」 是「意志」
你的心 決定欲按怎？

拄著挑戰
一種是面對
一種是逃避
這種選擇題
往往

咱攏有選擇的權利
會當揀一个無仝的過去
也會當拈(khioh)一个無仝的未來
想起當初的家己
到底愛啥物？
你的心 決定欲按怎？

咱攏是自由的個體
有家己的想法
總是
欲應付所有的磨練
毋是簡單的代誌
世間上無公平的事
逐工攏會發生
欲按怎保護家己
欲按怎停止傷害
是現此時愛思考的問題
人生的經歷才行過一、二十冬
請暫時停下跛步 用「心」來看
這世間的繁華

人的心真奇怪
有時親像「多啦A夢」的百寶袋
會當貯(té)規个大自然
有時親像談戀愛的小姐
連一粒沙嘛囡(khng)袂入
這奇怪的問題按怎解決
相信欲成就大事的人
會揣出化解的方式
就親像媽祖指引航海的人全款
予人看著重生的未來

創作理念

對台語一直抱著一个ng望，ng望有一日伊是予逐家肯定的，予逐家真心來恰意這的語言，無需要閣親像現時需要大家來拍拚。雖罔這條路真遙遠，毋過我袂放棄，嘛無需要放棄，因為這是我自細漢恰厝內人所用的話語，有啥物人會當pak-tuàt我的kuàn-li？

這首詩，《心的選擇》，第一，想欲寫予一位朋友，最近佢生活上拄著真濟問題，朋友間的衝突、頂司的誤會、愛情上的煩惱……等等，欲共講其實人生中有足濟代誌咱無法度掌握，只有想起當初的心，想的是啥物？按呢才袂予家己一直佇痛苦和思考中徘徊。第二，現在的政治使人失望，經濟閣較免講，想欲寫予台灣人民，千萬毋通失志，愛知影這是咱的國家，是咱永遠的厝，著算拄著真大的困難，嘛是愛去克服。

其實，用「心」來去體會人生中大大細細的事，每一項攏會留hā豐富的回憶。

李婉慈

中山醫學大學台灣語文學系

